

محل مطبعه و اداره :

جفـال اوغلـنده امنيت
صندوغي جوارنده
شنكول يقوشنده
۲۲ نومرو

مُشَاقَقَتُ

۱۳۲۶

اضطار :

مسلكمزه موافق آثار
جدیه مع الممنونیه
قبول اولنور

درج ایدلهین آثار اعاده اولنماز

دیه ، فلسفه ، علوم ، حقوق ، ادبیات ، تاریخ ، و سیاسیات و بهالخاصه احوال و شئون اسلامیه و بحث ایدر و لهفته ده بر نشر اولنور .

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

آبونه بدلی

سنه لکی	التی آیلغی	غروش
۶۵	۳۵	۳۵
۶۵	۳۵	۳۵
۱۷	۹	فرانق

در سعادتده نسخہ سی ۵۰ پاره در

قیرلہدن مقوا بورو ایله کوندربیلیرسه سنوی
۲۰ غروش فضلہ آلنیر

عدد : ۱۱۵

۱۵ ذی القعدة پنجشنبه ۴ تشرین ثانی ۳۲۶

بشنجی جلد

مکاتیب

پکینه :

پکینه کی مسلمان مکتبلرک باشلرینه

کلان فلاکت

پکینه درت مکتب وارد . بومکتبلر پکین مفتیسی (واو وان) اخوندک در سعادته کیدوب خاقان سابقک التفاتنه مظهر اوله رقی ایکنجی نشان عثمانی ایله تزین صدر ایده رک پکینه عودتده تأسس ایتشدی . دیمک بونلرک حیاتی اوج سنهک بر مدت قلیهدن عبارتدر .

نشان ذیشان عثمانیک حرمت وهیبتنه اجلالاً اعانه جمعنه تشبث اولمش ، نهایت الامر موفق اولمش درت آی ظرفنده بر مکتب ابتدائی ایله بر مکتب رشدی انشاسنه موفقیت حاصل اولمشدر . فقط مکتبلر یکی اصول قاعده سنه توفیقاً لوحه لر و صندالیله ایله ترتیب و تمیق اولمشدی . ورسم کشادری غایت مطمئن صورتده اجرا اولمشدی . فقط مکتبلرک شو حال وقیافتی پکینه کی اوتوز ایکی جامعک اماملرینی و خطیب و علماسنی و مؤذن و خدمه لرینی صوکه درجه اغصاب ایدیور ایدی . صوکره (شنشن) دیمکه باشلادیلر . شنشن دیمک جدید دیمکدر . کنیدیلرینک تفسیرینه نظراً حدوئو ، یعنی بدعت دیمکدر . بو حدوئو مسأله سی یواش یواش اطرافه یابلدی . توجیه ده بدعت وار دیه هر کس قیزمش ، سوکنیورلردی ،

فقط مفتی حضرتلری هیچ کنندی بیلدیکندن شاشمیوردی ، طوغری مقصوده یورووردی . ایکی مکتب ایچون چین لسانی و علوم جدیدیه وقوفی اولان معلملر آاندی ، ولایم اولان خدمه یی ده الحاق ایتدیلر ، هر نه ایسه مکتبلر کشاد اولندی معلملری دخی درسه مباشرت ایلدیلر ، لکن مکتبلرک واردات و معاش ویره جک بر منبجی یوقدی ، نه یاپسونلر ، دوشوندیلر ، طاشندیلر ، نه یابالم بر پیانقو احداث ایده لم دیدیلر . لکن حکومتک خبری یوقدی . نهایت ایده درت بوز ریال حاصلات ویره جک الی بیک پیانقو بیلتی چیقاردیلر ، فقط عالما بوکاده قارشی کلدی : ربا فائض ، حدوئو حرامو دیه سب و شتم و کفر وهذیان ایله مشجون مکتوبلر ، امضاسلر اوله رقی ورود ایتیه باشلادی فقط یینه واو وان آخون راه مقصوده طوغرو ، یمین و شمالدن کلان کوراتی یه قولاق آصمیه رقی ایلرولیوردی . پیانقو حاصلات تندن خادمین و صالحه و طوئسی مکتبلرینک احتیاجات ضروریه لری و معلملرک معاشاتی تسویه اولئیوردی . حتی واو وان اخوندک عموجه سی یی (برنجی معناسنه) آخون جنابلرینه دخی حق السکوت اوله رقی یکریمی ریال ویریلیوردی . زیرا بو ملت ، رشوتسز بر شی پایه ماز ... نهایت علمانک قیل و قالی چوغالیدی . اصحاب عمام اولان فضلالی کرامک دلالت خیریه سیله حکومت و ثنیه اشعار کیفیت اولندی ، حکومت و ثنیه علمای اسلامیهدن دهبا منصف ایمش که پیانقوی منع جهتنه کیتمدی ، یالکنز بر اخطارده بولندی ، پیانقو باتنده ، شو عباره محررلی :

(سی پیانو) . مخناسی ایمپراطورک مساعدیه سیاه احداث اولمش و پیانقو دیمک ایمش ، شو عباره یی قالدیریکزده نشر ایدیکنز دددی ، بزم مسلمسانلر ایسه پکی او عباره یی قالدیریرز ، دیمشلر ، فقط یینه قالدیرمدیلر اوله جه چیقارمیه دوام اولندی . یینه علماء فحول سکوت ایده مدی ، حکومته اخبار ایتدیلر یینه حکومت تنبیه ایتدی حالامفتی اصرار ایدیور ، دشمن هیچ سکوت ایدرمی ؟ یینه ژورنال ویریرلر . زواللی مکتبلرک قوت لایموت اولان منبع وارداتی (تناتا) منع و پیانقو آلات وادواتی مصادره ایدرلر معهد علم الصینی الاسلامی اولان مکتبلر صاغه وصوله باقهرق محزونانه ، و منکوس الرأس بر حال پریشانده قالیویریرلر ؛ علماء متبحرین آراق غایت مسرور اولمشلر انالله وانا الیه راجعون ، یاناس عبره ، یخربون بیوتهم بایدهم ماذا تقول ؟ . لقد اسمعت لونا دیت حیا ، ولکن لاحتیات لمن تنادی شیمدی اشرافدن اوج ذات محترم اتی یوز ریال اعانه اعطاسیله مکتبلرک امدادینه ایتشدی ؛ ایشته بو پاره ایله بزم بولندیغمز مکتبلرک حوایج ضروریه لری دفع ایدیور سائر مکتبلر ایسه عن قریب نسیا نسیا اوله جق .

حمد اولسون علوم دینییه مکتبه زیان و ضرر کلادی . زیرا بونک وارداتی مکتبلره مربوط دکل ، فقط علوم دینییه یرینه ده یکی اصولسی بعض لوحه لر و تختلر موجود اولدیغندن معاذالله پک مستکره کورپیورلر باخصوص تجویدلی قرآن کریم او قونمه سنی هیچ ایسته میورلر .

کچلرده بر نبذه اخبار ایتدیکم جمعیت اسلامییه دخی طاعلیدی زیرا بویله جمعیتلر بدعت و حدوئو ایمش ، رحمة الله علی اسلام الصین ، باقکنز شمدی چین مجلس مبعوثانی احضار ویدی سنه یه قدر سیاسی آدملر یتشدریمک اوزره اوج بوز کیشی یه بالغ بر جمعیت وارد . ایچنده بر فرد واحد مسلمان یوقدر فقط مجلسک اتمام واکالی یدی سنه دن صوکره ختام اوله جق ایمش ، انشاءالله یدی سنه یه قدر سیاسی بر مسلمان بولورلر ! ...

علی رضا

پکین

صراط مستقیم غزته سی اداره خانه سنه

بوکون صحائف تواریخ عالمه عطف نظر دقت اولتور ایسه عنعناتی ایله بزه اثبات ایدرکه ایران دنیلن قطعه وسیعه بروقتلر سد چیندن برالمصره قدر اولان ممالک وسیعه دنیا یه فرمانفرما اولان حکمداران عظامک ممالکنه تسمیه اولنور ایدی . اصل ایرانیلرکه بوقطعه نک و سطنده کائن اولانلر یعنی شیمدیکی ایران ممالکنک اهلایسی در . طبعاً مفطور اولدقلری شجاعت و جنکاورلک سایه سنده دائماً کنندی سنجاقلری آلتنده یشامغه آیشمش و شیر خورشیددن بشقه بر دولت اجنبیه نک سنجاغی آلتنده اوزون مدت یشامه شلردر .

قرون اولی و وسطی ده بر طرفدن اسکندر ، بر طرفدن جنکیز استیلاسی و دیگر طرفدن طوائف ملوک تغلی او مهد علیای علما

استیضاح

محرمین کرام حضراتی، شومکتوبی بجایه غرا کرک بر کوشه سینه درج ایتکزی رجا ایدرم :

فضیلتہ آب استاد محترم احمد مدحت افندی حضرت تریزک شان اسلامی قات قات اعلا ایدن آثار کزیده لرینی مطالعہ ایلہ بختیار ایدم . بودفعہ دارالفنون عثمانی دہ کی تاریخ عمومی و تاریخ ادیان درس لرینک مطالعہ سہ دہ موفق اولدم . باشقہ آثارندہ اولدینی کبی حضرت الاستاد بوتقیر اتندہ جادہ مستقیمہ بی تعقیب ایدیور . مع مافیہ اثنای مطالعہ دہ ذہنہ چاربان اشتباہ لری حضور عالیہ لرینہ تقدیم ایدیورم . دفعی دہ حیت پدرانہ لرندن مأمولدر .

۱ - حضرت اسماعیل اون بش یاشندہ ایکن آشیانہ پدرانہ تبعد ایدیارک مداین صالح طرفلرندہ اقامت ایتدی و مصریلرندن بر قیزی تزوج ایتدی دنیا یور . صحیح بخاری دہ ایسہ : هنوز سوتدن کیلیمہ مش ایکن والدہ ماجدہ لری حضرت ہاجرہ برابر مکہ مکرمہ یہ کلدیکی و بیودیکندہ اورادہ وطن عمالقہ لرندن تزوجی روایت ایدمش . ۲ - حضرت یوسفک قردش لری آلہ کچمہ سی قرآن کریم دہ باشقہ جہ تصویر ایدیایور .

۳ - بنی اسرائیلہ آلتون طانیہی آلہ ، دین ہارون دینلمش ؛ قرآن کریم ایسہ سامری دیہ ذکر ایدیور . ایستہ نشو مسئلہ لرندہ قرآن کریم واضح کتب دیہ اعتقاد ایتدیکنم صحیح بخاری خبر لرینہ نہ دیہ جکز ؟

طائف قرآنی طابہ دن : تقی بدیع

مطبوعات

لورد قرومرک دوستلری

قاہرہ دہ منتشر (اللواء) رفیق محترمک باش مقالہ سندن :

انکلیزلرک مملکت مزده یرلشوب قالمہ سہ یاردم ایدنلر ، بز احوال سیاسیہ مزک فنانلغندن شکایت ایتدیکنم زمانلر ، اولیہ توہم ایدیورلر دیکہ امور اقتصادیہ مز انکلیزلرہ تشکر ایتہ مز ایجاب ایدہ جک درجہ دہ دوزلمشدر ؛ کذلک مصریلری مسعود ایتک ، اونلرہ حریت کاملہ ویرمک انکلیزلرک اقصای آمالی اولدینی ایچون ارتق بزیرلیرلرک مسائل سیاسیہ امور تعلیمیہ یہ قاریشما مز ہیچ ایجاب ایتہ جکدر . انکلیز یاردا قجاری یوکسک سسلہ باغریورلر دیکہ مصر انکلیزلرک سایہ سندن ارباب فلاحتک متمتع اولمقدہ بولندینی ثروتہ نائل اولدقدن بشقہ هرکس کیسہ نیک انکار ایدہ میہ جکی بر صورتہ حریت شخصیه سہ مالک اولمشدر . ایستہ بو منادیلر بز قانون اساسی ی ، انکلیزلرک وطنمزدن حقیقہ لرینی ایستہ دیکہ بوسوزلری سویلیہرک بز صوصدرمق ، معارفی ترقی ایتدیرمک خصوصندہ کی عزملرمزہ مانع اولیورلردی .

پک اعلا ! بوکون نہ سویلیہ جکدر ؟

ومدنیث اولان قطعہ ایرانیہی باشدن باشہ بر خرابہ زارہ چویرمش واهالیسی ایسہ صوک نفسہ قدر مدافعہ ملیت ایتمشلر واک صوکرہ دفعات عدیدہ ایلہ استرداد استقلالہ موفق اولوب حکومت مستقلہ لرینی وجودہ کتیرمسلردر .

ایرانہ ہلاکو احفادینک بقایای اتقاض سلطنتی اوزرندہ تأسیس دائرہ حکومت ایلہ بن طوائف ملوک زمانندہ اعلا لوی استقلال ایلہ بن شاہ اسماعیل صفوی زمانک بر حکمدار پراحتشامی اولان یاوز سلطان سایم ایلہ ایتدیکی بر محاربہ دہ دہشتی بر مغلوبیتہ کرتار اولمش ایسہ دہ بو مغلوبیت عزم جسورانه سہ تاثیر ایتہ مکہ برابر جسارت طبعی بر قات دہا تزییدہ مدار اولمش و آز زماندہ توسیع دائرہ نفوذ ایلہرک تبریز شہرندہ تأسیس دائرہ حکومت ایدوب ایرانیلرک نہ درجہ فعال وجسور اولدق لرینی معاصر لرینہ اثبات ایلہ شددر .

صفویلرک صوک حکمداری اولان شاہ سلطان حسینک زمانندہ برطرفدن افغانیلرک اصفہانی محاصرہ ودیکر طرفدن روسلرک تبریزی ضبطی و اختلالات داخلہ حکومت صفویہی منقرض ایتمش ایسہ دہ مؤسس ثانی حکومت ایران اولان نادرشاہ افشارک بر غیرت جسورانه سی سایہ سندنہ افغانیلری مملکتدن اخراج وروسلر دخی طرد ایدلمشدر . ہریردہ عالم انسانیتک بر حامی عالی جنبی دنیان انکلیزلرک اون سنہ دنبرو دہا یقین بر قومشوسی بولنان روسیہ دہ اشتعال ایدن نائرہ اختلالی تسکینہ تشبث ایتہ یوبدہ مدافعہ حریت اوغورندہ درت سنہ دنبرو فدای جان ایدن ایرانیلری صوک دوفہ اولہرق ویردیکی نوطہ ولینجا لیمانہ عسکر چیقارمق صورتیلہ تہدیدہ تشبث ایتہ سی عالم انسانیتک نہ درجہ حامیسی اولدینگی کرہ ارضہ اثبات ایتمشدر !

بوکون ایرانہ مهم براغتاشش موجود اولمادینی کبی شیمدی یہ قدر طرفینک ہر ایکسی یعنی استبداد و مشروطیت طرفدارلری دائما اجنبیلرک حقوقی محافظہ ایتمشلر درکہ بومسئلہی بتون آوروپا بالخاصہ انکلیز وروس غزتہ لری دخی تصدیق ایتمشلر در . انکلیز تبعہ لرینک حقوقی محافظہ ایچون دکل ، محضا توسیع ممالک ایچون قارشولرینہ کلن ہرہانکی برملک شرف ملیتی یا مال ایتمکدن چکنمیورلر . انیکلترہ روسیہ دوشمنہ لیدرلرکہ عالم اسلامک یعنی اوچیوز ملیونلق برکتلہ جسمیہ نک انظار دقتلری اسلامیتک یدیسار ویمینی اولان عثمانی و ایران حکومتلرینہ معطوفدر . بولرک ہرہرہانکی برینسک استقلال وتمامی ملکیت سہ وقوع بولہ جق بر تعرض عموم اسلاملرہ اولمش نظریلہ باقیلہ جقدر . آسیای جنوبی و شمالیہ متمکن یوز ملیون مسلمان دول متبوعہ لرینک ظلمندن وبالخاصہ ایرانہ وقوع بولان بوتجاوزلرندن صوک درجہ مغبردرلر . انیکلترہ وروسیہ حکومتلری عالم اسلامہ بویولہدہانی بر تعرضدن واز کچملیدر . یوقسہ ایوجہ بیلیمش اولسونلرکہ ایرانیلر صوک نفسہ قدر مدافعہ ملیتہ قرار ویرمشلر واولمکی اجنبی بیراخی آلتندہ یشامہ ترجیحہ قرار ویرمشلر در . ایران آنجق بر خرابہ زارہ دوندکن صوکرہ اجنبی آلہ کچہ بیلور یوقسہ ایران مانچوری صحراسی انیکلترہ وروسیہ مزار اولہ جقدر .

محمد تبریزی